

起世因本經卷第二

惡二

隋三藏法師達摩笈多等譯

鬱單越洲品第二之二

六九二

龍藏

諸比丘鬱單越人髮紺青色長齊八指人皆一類一形一色無別形色可知其異諸比丘鬱單越人悉有衣服無有裸形及半露者親踈平等無所適莫齒皆齊密不缺不踈美妙淨潔色白如珂鮮明可愛諸比丘鬱單越人若有飢渴須飲食時便自收取不耕不種自然粳米清淨鮮白無有糠糲取已盛置敦持果中復取火珠置敦持下衆生福力火珠應時忽然出焰飲食熟已焰還自滅彼人得飯欲食之時施設器物就座而坐爾時若有四方人來欲共同食即爲諸人具設飯食飯終不盡乃至食人坐食未竟所設之飯器常盈

滿被人食此無有糠糲自然粳米成熟飯時清淨香美衆味備具不須羹臠其飯形色猶若諸天酥陀之味又如華叢潔白鮮明被人食已身分充盈無減無缺湛然不改無老無變是食乃至資益被人色力安辯無不具足諸比丘鬱單越人若於女人生染著時隨心所愛迴目觀視彼女知情即來隨逐其人將行至於樹下所將之女若是此人母姨姊妹親戚類者樹枝如本不爲下垂其葉應時萎黃枯落不相覆苦不出華果亦不爲出牀敷卧具若非母姨姊妹等者樹即低枝垂條覆蔭柯葉鬱茂華果鮮榮亦爲被人出百千種牀敷卧具便共相將入於樹下隨意所爲歡娛受樂諸比丘鬱單越人住於母胎惟經七日至第八日即便產生其母產訖隨所生子

若男若女皆將置於四衢道中捨之而去於彼道上東西南北行人往來見此男女心生憐念爲養育故各以手指內其口中於彼指端自然流出上妙甘乳飲彼男女令得全活如是飲乳經於七日彼諸男女還自成就一

第二

二

色類身與彼舊人形量無異男還逐男女還逐女各依伴侣相隨而去諸比丘鬱單越人壽命一定無有中夭命若終時皆得上生何因緣故鬱單越人得此定壽命終已後皆復上生諸比丘世或有人專事殺生偷盜邪淫妄言兩舌惡口绮語貪瞋邪見以是因緣身壞命終墮墮惡道生地獄中或復有人不曾殺生不盜他物不行邪淫不妄言不兩舌不惡口不绮語不貪不瞋亦不邪見以是因緣身壞命終趣向善道生人天中何因緣故向

下生者以其殺生邪見等故何因緣故向上生者以不殺生正見等故或復有人作如是念我於今者應行十善以是因緣我身壞時當得往生鬱單越中彼處生已住壽千年不增不減被人旣作如是願已行十善業身壞

得生鬱單越中即於彼處復得定壽滿足千年不增不減諸比丘以此因緣鬱單越人得定壽命諸比丘何因緣故皆得上生諸比丘閻浮洲人以於他邊受十善業是故命終即得往生鬱單越界鬱單越人以其舊有具十善業鬱單越中如法行故身壞命終皆當上生諸天善處諸比丘以此因緣鬱單越人上生勝處諸比丘鬱單越人命行終盡捨壽之時無有一人憂戀悲哭惟共昇置四衢道中捨之而去諸比丘鬱單越中有如是法若有

衆生壽命盡時即有一鳥名憂承伽摩

此言高逝

從大山中疾飛而至衝死人髮將其屍骸擲置餘方洲渚之上何以故鬱單越人業行清淨樂淨潔故樂意喜故不令風吹臭穢之氣來至其所諸比丘鬱單越人大小便利將下

之時爲彼人故地即開裂便利畢已地合如故何以故鬱單越人樂淨潔故樂意喜故復次彼處有何因緣而得說名鬱單越洲諸比丘彼鬱單越洲於四天下中比餘三洲最上最妙最高最勝故說彼洲爲鬱單越也

越正鬱單

轉輪王品第三

音鬱怛羅究溜此言高上作謂高上於餘方也

諸比丘閻浮洲內轉輪聖王出現世時此閻浮洲自然具有七種瑞寶轉輪王身復有四種神通德力何者七寶一金輪寶二白象寶

三紺馬寶四神珠寶五玉女寶六主藏臣寶

七兵將寶是爲七寶諸比丘云何名爲轉輪聖王輪寶具足諸比丘轉輪聖王出閻浮洲以水灌頂作刹利主於十五日月盛圓滿受齋之晨洗沐清淨不擣白氈以爲衣服解髮

垂下飾以摩尼及諸瓔珞在樓閣上親屬群

臣前後圍遶是時王前有金輪寶忽然來應輪徑七肘千輻轂輞衆相滿足自然成就非工匠造爾時灌頂刹利轉輪聖王即作是念我昔曾聞有如是說若灌頂刹利王於十五

卷二

四

日月盛圓滿受齋之晨洗沐清淨身著不擣

白氈之衣服諸瓔珞在樓閣上親屬羣臣前

後圍遶是時王前忽然而有天金輪寶千輻轂輞衆相滿足自然來應非工匠成輪徑七肘內外金色得是瑞時彼則成就轉輪王德

我今得此亦應定是轉輪聖王爾時灌頂刹利轉輪聖王意欲試彼天輪寶故勅令嚴備四種力兵所謂象兵馬兵車兵步兵四種力兵既嚴備已王即往詣天金輪所偏露右體在金輪前右膝著地申其右手捫摸輪寶作如是言汝天輪寶我身定是轉輪王者未降伏處爲我降伏彼天輪寶應聲即轉爲欲降伏未伏者故諸比丘是時灌頂刹利王旣見輪寶如是轉已即命嚴駕行向東方於是輪寶及四種兵一時皆從諸比丘於輪寶前復有四大天身引導而行彼天輪寶所到諸方住止之處轉輪聖王及四種兵悉於彼處停住止宿爾時東方一切國土所有諸王各取金器盛滿銀粟又取銀器盛滿金粟旣辦具已皆共持詣轉輪王前啓言大王善來善來

今此奉獻是天王物東方人民豐樂安隱無所怖畏民戶殷多甚可愛樂惟願大天垂哀納受憐愍臣等細小諸王臣等今日承奉天王一心無二爾時輪王告諸王曰汝等誠心能如是者汝當各各於自境界如法治化攝養羣生莫令國內有不如法所以者何汝等若有令我國內非法惡事顯現流行我當治汝罪無所捨今教汝等自斷殺生教人不殺不與勿取邪婬妄語乃至邪見皆不應爲汝等若能斷於殺生教人不殺不與勿取不行邪婬妄語正見者我即信知汝等諸王合國降伏爾時東方諸國王等聞轉輪王如是誡勅一時皆受十善業行受已遵承各於國土如法治化轉輪聖王自在力故所向之處輪寶隨行如是聖王天金輪寶降伏東方一切

國已盡東海岸周徧遊行然後迴旋次第巡歷南方西方乃至北方依於古昔轉輪聖王所行之道引導而去轉輪聖王及四種兵次第行時其前復有四大天身先輪寶行若此輪寶所住之處隨其方面轉輪聖王及四種兵即皆停宿爾時北方一切國土所有諸王亦各齋持天真金器盛滿銀粟天真銀器盛滿金粟俱共來詣轉輪王所到已長跪作如是言善哉天來善哉天來我等北方蒙天王力人民熾盛豐樂安隱無諸怖畏甚可愛樂願天留此施行治化臣等隨順無敢二心時轉輪王勑諸王言若能爾者汝等各於自境治化一依教命莫令國界有不如法所以者何若令我境有非法人及諸惡行我當治汝又復汝等莫自殺生教人莫殺不與勿取邪

姪妾語乃至邪見汝等皆斷若離殺生乃至自他修行正見能如是者我當信知汝等國土已善降伏爾時諸王同聲共啓轉輪王言如天誠勑臣等奉行爾時北方諸國王等聞轉輪王如是誠勑各各遵受十善業行受已奉持皆令如法各於國土依律治化轉輪聖王自在力故所行之處輪寶隨逐此金輪寶如是次第降伏北方盡北方海際所有諸國既周遍已還來本處爾時輪寶乃於闇浮提中選擇最上威德形勝極妙之地當於其上東西經度闊七由旬南北規畫十二由旬如是規度爲界分已爾時諸天即於其夜從空來下爲轉輪王造立宮殿應時成就既成就已妙色端嚴四寶莊校所謂天金天銀玻瓈瑠璃此金輪寶爲聖王故當宮內門於上空

中巍然停住如輪在軸不搖不動轉輪聖王當於是時生大歡喜踊躍無量作如是念我今已得金輪寶耶諸比丘轉輪聖王有如是等天金輪寶自然具足諸比丘轉輪聖王復有何等白色象寶應當具足諸比丘是轉輪王於日初分坐正殿時即當王前出生象寶名烏通沙他此言潔齋形體勝妙其色純白如拘物頭華七支柱地有大神力騰空而行頭色紅赤如因陀羅瞿波迦蟲具有六牙並皆銛利一一牙上具足莊嚴雜色廁填猶如金粟轉輪聖王見象寶已作如是念白象雖現未知調時堪受諸事成賢乘不爾時象寶一日之間即善調伏一切事中悉堪駕馭猶如餘象無量千歲極調伏已端嚴賢善適意隨順如是如是此白象寶於一日中暫受調伏堪

卷二
十

任衆事亦復如是時轉輪王爲試象故於其晨朝日初出時乘此象寶周迴巡歷徧諸海岸盡大地際旣周徧已是轉輪王還至本宮乃進小食以是因緣彼王爾時內心自慶歡喜踊躍爲我故生如此象寶諸比丘轉輪聖王有如是等白色象寶自然具足諸比丘何等名爲轉輪聖王馬寶具足諸比丘是轉輪王日初分時坐正殿上即於王前出紺馬寶名婆羅訶此言長毛色青體潤毛尾悅澤頭黑駿披有神通力騰空而行時轉輪王見馬寶已作如是念此馬雖現未知調時堪受諸事可得爲我作善乘不是時馬寶一日之中即善調伏堪受諸事猶如餘馬無量千歲極調熟已賢善閑習如是如是調此馬時一日之內堪任受行一切諸事亦復如是時轉輪王欲

試馬故於其晨朝日初出時乘此馬寶周歷大地還至本宮轉輪聖王乃始進食以是因緣生大歡喜踊躍無量我今已得紺馬之寶諸比丘轉輪聖王有如是等馬寶具足諸比丘何等名爲轉輪聖王珠寶具足諸比丘轉輪聖王有摩尼寶毗琉璃色具足八楞非工匠造端嚴特妙自然流出清淨光明時轉輪王見珠寶已作如是念此摩尼寶衆相滿足我今應當懸置宮內令現光明時轉輪王爲欲試此摩尼寶故嚴備四兵所謂象兵馬兵車步兵具四兵已即於夜半天降微雨重雲黑闇電光出時轉輪聖王取此珠寶懸置幢上出遊苑中何以故意欲遊觀驗珠德故諸比丘此摩尼寶在高幢上普照四方及四種兵悉皆明了光明周徧如日照世爾時彼

地所有一切婆羅門居士等皆謂天明日光已出並即驚起作諸事業以是因緣轉輪聖王受大歡喜踊躍無量念言此寶爲我出生諸比丘轉輪聖王有如是等珠寶具足諸比丘何等名爲轉輪聖王女寶具足諸比丘轉輪王世出生女寶不麤不細不長不短不白不黑最勝最妙進止殊妍色貌具足令人見之樂觀無厭又此女寶熱時身涼寒時身暖於其體上出妙香氣猶若栴檀口中恒出優鉢羅香爲輪王故晚卧早起勤謹恭敬凡有所作無失王心此女意中尚無惡念況其身口而有過失以是因緣轉輪聖王受大歡喜踊躍無量心自念言此已爲我生女寶耶諸比丘轉輪聖王有如是等女寶具足諸比丘何等名爲轉輪聖王主藏臣寶威力具足諸

比丘轉輪王出世生主藏臣寶大富饒財多
有功德報得天眼洞見地中有主無主一切
伏藏皆爲其眼之所鑒識若水若陸若遠若
近於中所有珍奇寶物此主藏臣皆爲作護
如法守視不令毀失無主之物應時收取擬
爲輪王資須受用爾時藏臣即自往詣轉輪
王所到已啓言大聖天王若天所須資財寶
物惟願勿憂臣力能辦天所用者皆令具足
時轉輪王爲欲驗試主藏臣寶乘船入水中
流而住勑藏臣曰汝藏臣來我須財寶宜速
備具宜速備具藏臣啓言惟願大天假臣須
臾待船至岸當於水側收取財寶以供天用
王告藏臣我今不須岸上財物但當於此爲
我辦之藏臣啓言謹奉天勅不敢有違爾時
藏臣受王勅已偏袒右臂右膝著船手撓大

卷二十一
水指如蟹螯撮聚金銀滿諸器內即於船上
持用奉獻啓言大王此諸金銀皆是天寶天
臣言我不須財但試汝耳時主藏臣聞王語
已還收金銀置於水內以是因緣轉輪聖王
受大歡喜踊躍無量心自念言我今已得藏
臣寶耶諸比丘轉輪聖王有如是等藏臣具
足諸比丘何等名爲轉輪聖王主兵臣寶威
力具足諸比丘由轉輪王福德力故自然出
生兵將之寶巧智多能善諸謀策洞識軍機
神慧成就轉輪聖王所須兵力悉能備具欲
走即走欲行即行欲散即散欲集即集爾時
兵將便自往詣轉輪王所到已啓言王若須
兵教習驅役惟願勿慮臣當爲王教習兵馬
皆令如心調柔隨時轉輪王爲欲試此主

兵寶故便勅所司嚴備四兵所謂象兵馬兵車兵步兵王知四兵悉嚴備已告將寶言汝兵將來當善爲我總領四兵教令隨順善走善行善集善散如法勿違時兵將寶聞轉輪王如是勅已啓言大王謹奉天勅臣不敢違便總四兵莊嚴器仗教走教行教集教散如王所勅欲走即走欲行即行欲集即集欲散即散隨意自在以是因緣轉輪聖王生大歡喜踊躍無量心自念言我今已得主兵將寶諸比丘轉輪聖王有如是等主兵將寶威力具足諸比丘若有如是七寶現者然後得名轉輪聖王諸比丘何等名爲轉輪聖王四種目在神通具足諸比丘轉輪聖王壽命長遠久住在世於一切時一切世間無有人類能得如是安隱久住與轉輪王壽命等者是則

名爲轉輪聖王第一壽命神通具足復次諸比丘轉輪聖王所受身體少病少惱衆相具足其腹平滿不小不大寒熱冷暖隨時調適進止輕便飲食消化安隱快樂於一切時一切世間無有餘人世間受生少病少惱能如是者是則名爲轉輪聖王第二身力神通具足復次諸比丘轉輪聖王報生形貌端正殊特常爲世間樂觀無厭色身清淨具足莊嚴最勝最妙無有倫匹於一切時一切世間人中受生無有如是端正殊特爲諸世間樂觀無厭如轉輪王形相備者是則名爲轉輪聖王第三色貌神通具足復次諸比丘轉輪聖王業力因緣有大福報世間種種資產豐饒珍奇衆寶無不具足於一切時一切世間人中受生無有如是富樂自在資財服玩衆妙

寶物充溢府庫比輪王者是則名爲轉輪聖王第四果報神通具足諸比丘若具如是四種神通無缺減者然後得名轉輪聖王諸比丘又此福德轉輪聖王爲諸人民之所愛敬心常喜樂如子愛父又諸人民亦得輪王之所憐念意恒慈育如父愛子諸比丘轉輪聖王或於一時乘大寶車出宮遊觀歷諸勝地爰及林苑當於是時一切人民悉得面見轉輪聖王皆大歡喜咸共同聲告馭者曰汝善馭者惟願持轡從容徐行勿令速疾所以者何汝若持車徐徐進則令我等多時得見轉輪聖王爾時輪王聞此語已亦復如是勑馭者言汝善馭者徐徐緩步慎勿速疾所以者何汝若持車安詳漸進則亦令我多時遊歷周徧觀視一切人民諸比丘時諸民衆見

輪王已各各自持所有寶物車前胡跪奉獻輪王啓言大王民等今者以此奉天此物屬天願天受取隨意所用何以故如此寶物惟應天用故諸比丘轉輪聖王出現世時此閻浮洲清淨平正無有荆棘及諸稠林丘墟坑坎廁溷雜穢臭處不淨磯石瓦礫沙鹵等物悉皆無有金銀七寶自然具足不寒不熱節候均調諸比丘又轉輪王出現世時此閻浮洲自然安置八萬城邑皆悉快樂無諸怖畏人民熾盛穀食豐饒聚落殷多甚可愛樂諸比丘又轉輪王出現世時此閻浮洲王所治處聚落城邑比屋連村雞飛相到人民安樂不可思議諸比丘又轉輪王出現世時此閻浮洲常於夜半從阿那婆達多池中興大雲氣徧閻浮洲及諸山海應時雨注亦徧閻浮

如犧牛乳間雨深四指其水甘美具八功德
下處即沒更不傍流浸潤地中水澇不現至
夜後分雲霧消除有清涼風從大海出吹其
潤澤流散閻浮人民觸之皆受安樂又彼甘
澤潤漬此洲普使肥良鮮明光膩譬如世間
第二 善作鬘師弟子造鬘既成以水灑散令
其悅澤華色光鮮此亦如是又轉輪王出現
世時此閻浮洲一切土地自然沃壤鬱茂滋
液譬如有人以酥油塗物其地肥美膏腴津
潤亦復如是諸比丘轉輪聖王既出現已住
世久遠經無量年於此時間亦復雜受人中
苦觸譬如細軟丈夫其體柔弱食美食已運
動施爲受少疲觸乃得消化如是如是彼轉
輪王處世久遠於生死中受少苦觸亦復如
是諸比丘轉輪聖王壽命終時捨此身已必

生天上與三十三天同處共住諸比丘轉輪
聖王當命終時爲供養輪王故於虛空中自
然普雨優鉢羅華鉢頭摩華拘物頭華分陀
利華等種種香華亦雨天沉水末多伽羅末
栴檀香末及天曼陀羅等種種諸華復有天
樂其音微妙不鼓自鳴亦有諸天歌讚之聲
在虛空中爲供養此轉輪王身作福利故諸
比丘爾時女寶主藏臣寶主兵將寶等則以
種種淨妙香湯洗輪王身香汁洗已先用劫
波娑氍毹身裏之然後乃以不擣氍毹衣於上
重裹次復更以殊妙細氍毹足五百段就二氍
上次第纏之裹纏畢已又取金棺滿盛酥油
持輪王身置之棺內又以銀榔盛此金棺內
銀榔已從上下釘令其牢固又復集聚一切
香木積成大積然後閻毗轉輪王身旣閻毗

已收其灰骨於四衢道中爲轉輪王作蘇偷
婆塔者訛略也

高一由旬闊半由旬雜色

莊校四寶所成所謂金銀琉璃玻璃其蘇偷

婆四院周圍五十由旬七重垣牆七重欄楯

略說如上乃至衆鳥各各自鳴時彼女寶及

主藏主兵寶等爲轉輪王作蘇偷婆既成就

已然後施設上妙供具諸來求者種種供給

所謂須食與食須飲與飲須乘與乘須衣與

衣須財與財須寶與寶盡給施之悉令滿足

諸比丘轉輪聖王命終已後始經七日輪寶

象寶馬寶珠寶皆即自然隱沒不現女寶主

藏主兵將等悉亦命終四種寶城稍稍改變

還爲博土所有人民亦皆隨時漸次減少諸

比丘一切諸行有爲無常如是遷改無有常住破壞離散不得自在是磨滅法暫須臾間

非久停住諸比丘應當捨於有爲諸行應當遠離應當厭惡應當速求解脫之道

地獄品第四之一

諸比丘於四大洲八萬小洲諸餘大山及須彌山王之外別有一山名斫迦羅

前代舊譯云鐵圍山

高六百八十萬由旬縱廣亦六百八十萬由

旬彌密牢固金剛所成難可破壞諸比丘此

鐵圍外復有一重大鐵圍山高廣正等如前

由旬兩山之間極大黑闇無有光明日月有

如是大威神大力大德不能照彼令見光明

惡二

諸比丘於兩山間有八大地獄何等爲八所

謂活大地獄黑大地獄合大地獄叫喚大地

獄大叫喚大地獄熱惱大地獄大熱惱大地

獄阿毗至大地獄諸比丘此八大地獄各各復有十六小地獄周市圍遶而爲眷屬是十

六獄悉皆縱廣五百由旬何等十六所謂黑雲沙地獄糞屎泥地獄五叉地獄飢餓地獄燒渴地獄膿血地獄一銅釜地獄多銅釜地獄鐵礮地獄函量地獄雞地獄灰河地獄斫截地獄劒葉地獄狐狼地獄寒冰地獄諸比丘何因緣故名活大地獄諸比丘此活大地獄所有衆生生者有者出者住者手指自然皆有鐵爪長而鋩利悉若鋒鎛彼諸衆生既相見已心意濁亂心濁亂故各以鐵爪自斬其身令皆破裂或自擘身擘已復擘乃至大擘裂已復裂乃至大裂割已復割乃至大割諸比丘彼諸衆生自割裂已作如是知我今已傷我今已死以業報故即於是時復有冷風來吹其身須臾復生肌體皮肉筋骨血體生已還活既得活已業力因緣復起東西更

相謂言汝諸衆生願欲得活活已勝耶諸比丘當知此中少分說故名爲活耳然於其中更有別業受極重苦痛惱逼楚毒難堪乃至先世或於人身或非人身所起所造惡不善業未盡未滅未除未轉未少分現未全分現於其中間命報未盡求死不得復次諸比丘活大地獄所有衆生生者有者乃至住者手指復生純鐵刀子半鐵刀子極長鋩利各各相看心意濁亂既濁亂已乃至各各斬裂
三
摩割破截而死冷風來吹須臾還活諸比丘如是如是少分說故名爲活耳諸比丘復有別業而於其中極受苦惱苦未畢故求死不得乃至往昔或於人身或非人身所作所造惡不善業未盡未滅未除未離如是一切次第具受復次諸比丘活大地獄所有衆生於

無量時苦報盡已從此獄出東西馳走更求
餘處屋舍室宅求救護處求歸依處如是求
時以罪業故即自往入黑雲沙小地獄中其
獄縱廣五百由旬既入獄已上虛空中起大
黑雲雨諸飛沙其焰熾然極大猛熱墮於地
獄衆生身上至皮燒皮至肉燒肉至筋燒筋
至骨燒骨至髓燒髓出大煙焰洞徹熾然受
極苦惱以其苦報未畢盡故求死不得乃至
往昔人非人身所作所造惡不善業不滅不
除不轉不變不離不失次第而受經無量時
諸比丘彼諸衆生如是受苦經無量時已從

罪人手足耳鼻頭目身體一時燋然乃至往
昔若人非人所起所造惡不善業未盡未滅
未除未轉不離不失次第而受復次諸比丘
於糞屎小地獄中有諸鐵蟲名爲針口在糞
泥中鑽諸衆生一切身分悉令穿破先鑽其
皮既破皮已次鑽其肉既破肉已次鑽其筋
既破筋已次鑽其骨既破骨已住於髓中食
諸衆生一切精髓令其徧身受嚴劇苦然彼
壽命亦未終畢乃至是人惡不善業未滅未
盡如是次第具足受之諸比丘彼地獄中諸
衆生等於無量時受苦痛已從糞屎泥小地
獄出又復奔走求室求宅求護求洲求歸依
處爾時即入五叉小地獄中其獄亦廣五百
由旬彼諸罪人入此獄已時守獄卒執取罪
人高舉撲之置於熾然熱鐵地上煙焰洞起

罪人在中悶絕仰卧獄卒乃以兩熱鐵釘釘其二脚熱焰熾然又以二釘釘其兩手焰亦熾然於齊輪中下一鐵釘焰轉猛熾獄卒於是復以五叉磔其五體極受苦毒乃至彼處壽命未終惡業未盡徃昔所造人非人身一切惡業於此獄中次第而受諸比丘彼諸衆生受此苦痛經無量時從於五叉小地獄出還復馳走求救求室求洲求依求覆求護即更來詣飢餓地獄其獄亦廣五百由旬罪人入已時守獄卒遙見彼人從外而來即前問言汝等今者來至此中有何所欲彼諸衆生皆共答言仁者我等飢餓時守獄卒即執罪人撲置熾然熱鐵地上爾時罪人悶絕仰卧便以鐵鉗磔開其口取熱鐵丸擲置口中彼人脣口應時燒然既燒脣已即燒其舌既燒

舌已即燒其齶既燒齶已即燒其咽既燒咽已即燒其心既燒心已即燒其胃既燒胃已即燒其腸既燒腸已即燒其胃既燒胃已經過小腸從下部出其丸猛熱尚赤如初彼諸衆主當於是時極受苦毒命亦未終略說乃至若人非人先世所作如是次第此地獄中種種具受諸比丘彼諸衆生於無量時受是苦已從此飢餓小地獄出復更馳走略說如前求守護處然後來詣燋渴地獄其獄亦廣五百由旬入地獄已時守獄卒遙見彼人從外而來即前問言汝等今者何所求須罪人答言仁者我今甚渴時守獄卒即捉罪人撲置熾然熱鐵地上在猛焰中仰卧悶絕便取鐵鉗磔開其口鎔赤銅汁灌其口中彼諸衆生脣口應時悉皆燋爛脣口爛已次燒其舌

如是燒鬍燒喉燒心燒胃燒腸燒胃直過小
腸從下部出彼諸衆生各於是時受極重苦
受極重痛其苦特異難可思議然後壽命未
終未盡略說如前乃至若人非人所造惡業
未滅未離如是次第具足受之

卷二

十九

起世因本經卷第二

音釋

裸	果	切
駿	郎	也捫也舉
轂	赤	馬祖摸莫
輶	體	輶慕奔各
韁	也	韁切韁轂
撓	臘	撓切撓文
𡇱	內	𡇱兩祿
嶽	郭	嶽山魚切
𦨻	苦	𦨻車蓋詩
𦩃	詩	𦩃力蓋廉
駕	羸	駕五勞切
駄	也	駄馭也
𦩃	也	𦩃骨補各
昇	朱	昇兩羊
撮	朱	撮倉制切
摸	對	摸兩手
		摸對切

巴也磨五潤切取指
齊也對也漫也繩彼義切
臙與祖切親初觀切
鋒身衣也切
鎔金銳數容切
桀鋸武方切爪居縛切
擣手椎也近皓切
張伸章切爪居縛切
金鉗巨也持也孽聚子智切
切齒也智地切
齧齒號五智也聾博智切
齧根各肉切眞陌石豈智疾